



TE WHARE WĀNANGA O TE ŪPOKO O TE IKA A MĀUI



VICTORIA
UNIVERSITY OF WELLINGTON

Te Kawa a Māui

MAOR 406

**Te Reo o ngā Tohunga
The Language of the Masters**

**Trimester Two
2008**

IMPORTANT

**Please read and note the information
on the back page of this course outline**

MAOR 406
Te Reo o ngā Tohunga
Language of the Masters
Wāhanga Tuarua
2008

He Kōrero Whakataki

He whakamoana tēnei i ngā tuinga tawhito e whakaatahia ai te rongomaiwhiti o te reo, tōna tapu, tōna noa, tōna mana, me tōna mauri. Hei konei ka kitea te rōreka, te whakatakē, te tāunu, te tāwai, te whakatika, te whakahē i te kakari a te kaituhi ki ngā āhuatanga e whakairohia ana e ia, waihoki, ko te maruāpō mō tēnei wānanga kia āhei te kaipānui ki te whakamārama, ki te whakamāori i ngā whakaaro matua o te kaituhi, o te kaitito rānei. No reira me nanaiore, me ngana, ki te ruku i te ruku a te kawau, e puta ai he māramatanga i te āhua o ngā whakaaro o ngā tīpuna i o rātou nā wā, me ngā kaituhi o ēnei wā. Tērā ka riro ko ā rātou kupu ko a rātou kōrero hei tauira, hei huia kaimanawa mo ngā rā kei te tū mai.

1 KO NGĀ WHAKAHAERE

- | | |
|---------------------|-------------------------------------------------------------------------------------------------|
| 1.1 Kaiako | Te Ripowai Higgins
Room 202, 46 Kelburn Parade
04 463 5473
Teripowai.Higgins@vuw.ac.nz |
| 1.2 Ngā Rā Huinga | |
| Wānanga 1 | Rāmere 10 th – Rātapu 12 th Hōngongoi |
| Wānanga 2 | Rāmere 15 th – Rātapu 17 th Here-turi-kōka |
| Wānanga 3 | Rāmere 12 th – Rātapu 14 th Mahuru |
| Wānanga 4 | Rāmere 17 th – Rātapu 19 th Whiringa-ā-nuku |
| 1.3 Te Wāhi Huinga: | Te Herenga Waka Marae
46 Kelburn Parade
Te Whanganui-ā-Tara |

Ka taea e koutou te whakapā mai ki ahau ki taku īmērā i runga ake nei ki te waea mai rānei mena kei te pōraruraru, kei te hiahia noa rānei koe ki te whakawhiti kōrero. Heoi kua hoki e tatari kia eke tonu ki te mura o te ahi kātahi ka whakapā mai kei kore e whakaeatia tō karanga me ō hiahia.

2 TE PAE TATA

Ngā Whāinga

Ko te matū o tēnei akoranga he wherawhera, he tātari, he ruku ki ngā hōpuanui, ki ngā hōpuaroa, ki ngā hōpuaninihi o ngā kōrero a ngā tohunga o te reo Māori. Ko ētahi kua mene ki te pō, ko ētahi kei te takatū tonu. Ko te tino whāinga kia rongo tātou i te reka o te reo o ō tātou mātua tīpuna. Tuatahi kia eke ake ngā tauira o te wānanga ki te ikeiketanga o te reo, kia mārama pū ki ngā kupu whakanikoniko i whaohia ki ngā waiata tawhito, ngā karakia, ngā haka, ngā ngeri, ngā pōkeka, ngā tūmoto, ngā tauparapara, ngā whaikorero, ngā whakataukī, ngā pūrākau, ngā karanga, ngā pūrākau, pakiwaitara a kui mā a koro mā. Ko te mea nui kia whakaarohia te taumata o te reo tuhi me te reo kōrero e tika ana hei eketanga mā tātau, otirā, me pēhea e paku kātata atu ai ki tā rātau i whakatauirā mai.

3 TE PAE TAWHITI

Ngā Hua ki ngā Akonga

Ki te oti pai i te akonga ngā mahi i whakaritea, ko ngā hua ka puta ko:

- Te mārama ki te hōhonutanga o ngā kōrero a ngā tohunga o mua
- Te kite i te rerekē o ngā tohunga o nehe me ō nāiane
- Te matatau ki ngā kōrero tuhituhi o mua
- Te whakatakoto tika i ētahi kōrero i whāia atu ko te tauira i ngā tuhituhinga kā pānuitia
- Ka takoto he rangahautanga nui mai ngā tuhituhinga
- Ka waihangahia he kōrero whakanikoniko.

4 NGĀ MAHI

Ko te kaupapa nui o te wānanga nei he arotake i ngā whakaaro, i te awe wairua rānei o te kaituhi, o te kaitito rānei e tākotokoto ana i roto i ā rātau tuhinga. Kia aha ai? Kia pai ai te kitea atu e ahu pehea ana ngā whakaaro o aua kaituhi, ka mutu, ki te ketuketū i te papa i nōhia ai e aua kaituhi rā e ara ake ai ngā tūmomo tikanga motuhake o aua rā, waihoki kia whai wāhi atu ki te tātari, ki te wewete i aua tikanga, ā, ka whakataurite ai ki ngā tikanga o ēnei rā menā rā he rerekētanga he aha kē rānei. No reira e kāwatatia ana koia nei te tino hua ka puta.

5 KO NGĀ PIKAUNGA MAHI

E tutuki pai ai i a koutou ngā mahi nei ki te taumata tohu paerua e tika ana kia whakapaua e koe 24 hāora ia wiki ki ngā mahi o tēnei kaupapa. Na reira rukua te ruku a te kawau.

6 KO NGĀ WĀNANGA

6.1 Wānanga 1 Rāmere 10 – Rātapu 12 o Hōngongoi

Te Whakatakoto i te Mahere Ako mo tēnei kaupapa
He whakawhanaunga, he mihimihi

- ngā kōrero whakanikoniko, whakanakonako, he wherawhera
- he wetewete i ētahi o ngā waiata a kui mā, a koro mā
- he tito kōrero whakanikoniko, whakanakonako.

6.2 Wānanga 2 Rāmere 15 – Rātapu 17 o Here-turi-kōka

Te reo ƿereere o ngā tīpuna

- he wetewete, he tātari i ngā tuhinga a ngā tīpuna
- he wetewete, he tātari i ngā tuhinga a ngā kaituhi i te reo i ēnei rā
- he wānanga i ngā rerekētanga.

6.3 Wānanga 3 Rāmere 12 – Rātapu 14 o Mahuru

Te whakamāori i te kupu kōrero

- he tiro tiro, he tātari, he wewete, i ngā tūāhua whakamāori i te kupu
- te Whakapākeha i te kupu.

6.4 Wānanga 4 Rāmere 17 – Rātapu 19 o Whiringa-ā-nuku

- he whakatepe, he whakakapi, he whakahīato i ngā whakakitenga i puta mai i roto i ngā taumahi. He tuari i ngā rangahau.

7 NGĀ AROMATAWAI

7.1 Te Mahere Aromatawai

Ngā Mahi	Te Wā Kati	Wāriu	Te rahi me te roa o ngā mahi
Taumahi 1	15 o Here-turi-kōkā	30%	3000 mano kupu
Taumahi 2	12 o Mahuru	30%	3000 mano kupu
Tuari Kaupapa	17 o Whiringa-ā-nuku	10%	20 meneti
Taumahi 3	31 o Whiringa-ā-nuku	30%	3000 mano kupu

E toru ngā tuhinga roa hei tuhituhi mā tēnā, mā tēnā e hipa ai koutou i te akoranga nei.

7.1.1 Tuhingaroa Tuatahi

Whiwhinga 30%

Tohua he waiata mai tou iwi, rangahaua, wetewetea, tātarihia anō nei ko koe taua kaitito. Na reira me tino matatau koe ki te kaitito, anō nei ko koe. Kia mau i a koe te wairua, ngā whakaaro o te kaitito. He aha te kaupapa i titoa ai? Whakamāramahia he aha ngā tohu e whakaatu ana i te āhua o taua wā.

7.1.2 Tuhinga Tuarua

Whiwhinga 30%

He meā pōhiri koe ki te tuku kauhau ki tetahi hui nui o te ao na te meā ko koe te tohunga mo taua kaupapa, kare i tua atu i a koe. Te whakataukī, he pēhea tā te Māori whakamahi i tēnei tūāhua whakatakoto kōrero. He aha te/ngā hua o te whakataukī. Whakaritea he kaupapa e whakaatu ana i to tohungatanga ki ngā āhua katoa o te whakataukī.

7.1.3 Tuhinga Tuatoru

Whiwhinga 30%

Tuhia, titoa he waiata, haka, ngeri, mōteatea, whaikōrero, karanga, pūrākau, ko tōna taumata kia eke ki te taumata o ngā tohunga. Ko te tauira hei whāinga kia ōrite ki ngā Moteatea. Me whakapākeha hoki ki taua taumata. Ko te mea nui kia mau te wairua Māori, i takea mai i ngā pūmanawa o te ao Māori, kīhai i te ao Pākeha.

7.1.4 Tuari Kaupapa

Whiwhinga 10%

Tohua mai tētahi o ngā kaupapa tuhinga roa, titonga kōrero whakanikoniko kua whakaritea e koe ka tuari ki te wānanga. Me kapi katoa i a koe ngā āhuatanga matua o tō kaupapa. Kua e wareware he whakarāpopototanga noa tēnei o tō kaupapa. Haere ki te matū o ngā kōrero kia ranonga tō tohungatanga ki tō kaupapa. He rua tekau meneti te roa, ka whai atu ngā uiuinga a te minenga whakarongo.

7.2 Te Kawa o ngā Mahi

I tua atu o te taumahi tuatoru e whakapākehātia ai e koe taua kaupapa ko te reo Maori anake te reo o tēnei wānanga.

7.3 Ngā Whiu

Ki te kore e tae mai o tuhinga i te rā i whakaritea ai e 5 ngā whiwHINGA ka tangohia. Mō ia rā i muri atu 1 te whiwHINGA ka tangohia.

8 NGĀ PUKAPUKA

- 1 Kaa, Wiremu & Te Ohorere (1996), Mohi Turei: "*Ana Tuhinga i roto i te Reo Māori*"
- 2 Ngata, A.T. (1959) "*Ngā Mōteatea*". Pts 1,2,3. Polynesian Society, Wellington
- 3 Grey, Sir George (1953) "*Nga Mahi a nga Tupuna*" L.T. Watkins Ltd, Wellington
- 4 White, John (1867) "*The Ancient History of the Maori, His Mythology and Traditions*". Government Printer, Wellington
- 5 Mead, H.M. and Neil Grove (1989) "*Nga Pepeha a nga Tupuna*" He Whakairiwhare No.3. Wellington
- 6 Maori Studies Department (1989) "*Te Panui a Wikitoria*" Edition 5. Te Tari Maori, Whare Wananga o Wikitoria, Wellington
- 7 Continuing Education Unit (1981) "*Whaikorero: Ceremonial Farewells to the Dead*"
- 8 The Dictionary of NZ Biography (1990) "*Nga Tangata Taumata Rau*" Allen & Unwin, Internal Affairs, Wellington
- 9 Maori Newspapers: <http://www.nzdl.org/cgi-bin/library>
- 10 Te Mātāhauariki: www.lianz.waikato.ac.nz

10 GENERAL UNIVERSITY STATUTES AND POLICIES

Students should familiarise themselves with the University's policies and statutes, particularly the Assessment Statute, the Personal Courses of Study Statute, the Statute on Student Conduct, and any statutes relating to the particular qualifications being studied; see the Victoria University Calendar available in hardcopy or under "about Victoria" on the Victoria homepage at:

http://www.victoria.ac.nz/home/about_victoria/calendar_intro.html

Information on the following topics is available electronically under "Course Outline General Information" at:

<http://www.victoria.ac.nz/home/about/newspubs/universitypubs.aspx#general>

- Student and Staff Conduct
- Academic Grievances
- Academic Integrity and Plagiarism
- Meeting the Needs of Students with Impairments
- Student Support.

11 WITHDRAWAL DETAILS

Have you changed your mind about the courses you want to do this trimester? If you do not withdraw from a course in time, you will receive a fail grade. A fail grade stays permanently on your academic record. You can avoid the fail grade by withdrawing properly from courses before it is too late!

It is not enough just to stop attending lectures and tutorials, or to tell your lecturer or school administrator. You must complete a change of course form, available from your Faculty, Student and Academic Services Office, and submit it by the following deadlines.

Second Trimester Courses, July to October 2008

No addition of second trimester courses permitted after **Friday, 18 July 2008**.

Withdraw before **Friday, 18 July 2008** and you will get a full refund of fees.

Any student wishing to withdraw from a second trimester course after **Friday, 19 September 2008** will require approval from the Associate Dean.